

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona”, broj 7/10), a u vezi sa članom 154. stav 1. Poslovnika Skupštine Zeničko-dobojskog kantona-Novi prečišćeni tekst („Službene novine Zeničko-dobojskog kantona”, broj 7/12), razmatrajući Inicijativu za davanje autentičnog tumačenja Odluke o organizaciji i načinu obavljanja taksiprijevoza putnika na području Zeničko-dobojskog kantona („Službene novine Zeničko-dobojskog kantona”, broj 6/10), općine Tešanj, na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 123. sjednici, održanoj dana 06.09.2013. godine, d o n o s i

ZAKLJUČAK

I.

Prihvata se mišljenje Ministarstva za prostorno uređenje, promet i komunikacije i zaštitu okoline o inicijativi općine Tešanj za davanje autentičnog tumačenja Odluke o organizaciji i načinu obavljanja taksiprijevoza putnika na području Zeničko-dobojskog kantona.

II.

Izjašnjenje Vlade o inicijativi iz tačke I. ovog zaključka upućuje se Skupštini Zeničko-dobojskog kantona.

III.

Zaključak stupa na snagu danom donošenja.

Broj: 02-_____ /13.

Datum, 06.09.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

- 1x Ministarstvo za prostorno uređenje,
promet i komunikacije i zaštitu okoline,
- 1x Predsjedavajućem Skupštine Zeničko-dobojskog kantona,
- 1x Stručna služba Vlade,
- 1x a/a.

Broj: 12-27-26273-5/10
Zenica, 23.08.2013. godine

Na osnovu odredbi člana 154. stav 1. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona”, broj 7/12), Ministarstvo za prostorno uređenje, promet i komunikacije i zaštitu okoline Zeničko-dobojskog kantona daje

MIŠLJENJE

o inicijativi općine Tešanj za davanje autentičnog tumačenja Odluke o organizaciji i načinu obavljanja taksiprijevoza putnika na području Zeničko-dobojskog kantona („Službene novine Zeničko-dobojskog kantona”, broj 6/10), koja glasi:

“Inicijativa za davanje autentičnog tumačenja odredbi članova 9. i 10. Odluke o organizaciji i načinu obavljanja taksiprijevoza putnika na području Zeničko-dobojskog kantona („Službene novine Zeničko-dobojskog kantona”, broj 6/10).”

Ministarstvo za prostorno uređenje, promet i komunikacije i zaštitu okoline smatra da inicijativa općine Tešanj za davanje autentičnog tumačenja odredbi članova 9. i 10. Odluke o organizaciji i načinu obavljanja taksiprijevoza putnika na području Zeničko-dobojskog kantona nije osnovana iz razloga što su navedene odredbe Odluke dovoljno jasne i nedvosmislene, te predlaže Skupštini Zeničko-dobojskog kantona da navedenu inicijativu odbije kao neosnovanu.

U vezi akta Službe za finansije i ekonomiju općine Tešanj kojim se traži pomoć u otklanjanju dilema oko rješavanja zahtjeva i izdavanja novih odobrenja, Ministarstvo za prostorno uređenje, promet i komunikacije i zaštitu okoline smatra da se iste mogu otkloniti na osnovu slijedećeg pojašnjenja:

S obzirom da je postupak izdavanja odobrenja za obavljanje djelatnosti taksiprijevoza regulisan Zakonom o obrtu i srodnim djelatnostima („Službene novine Federacije BiH“, broj 35/09 i 42/11), Zakonom o cestovnom prijevozu Federacije Bosne i Hercegovine („Službene novine Federacije BiH“, broj 28/06 i 2/10) i podzakonskim aktima donesenim na osnovu istih, općinske službe nadležne za poslove cestovnog prometa treba da izdaju uslovna odobrenja za rad u smislu da je otpočinjanje obavljanja djelatnosti taksiprijevoza putnika uslovljeno obezbjeđivanjem rasporeda na taksistajalište, dopunske oznake za vozilo i licence „D“.

Znači odobrenje nadležne općinske službe je samo jedan od uslova za dobijanje licence prijevoznika za taksiprijevoz koju izdaje ovo Ministarstvo i tek nakon dobijanja iste fizičko lice može otpočeti obavljati ovu djelatnost. Takođe, prije pribavljanja licence fizičko lice dužno je pribaviti i dokaz da je raspoređeno na taksistajalište i dopunske taksioznake.

Općinske službe nadležne za poslove cestovnog prometa dužne su poštovati uslove iz navedenih zakonskih odredaba i citirane Odluke koje su između ostalog propisale i omjer jedno taksivozilo na 1.000 stanovnika pri utvrđivanju ukupnog broja taksivozila (član 9. stav 2. Odluke).

Imajući u vidu navedeno jasno je da je daleko veći broj zainteresovanih lica da ostvare pravo na obavljanje djelatnosti taksiprijevoza od broja raspoloživih mjesta na taksistajalištima.

Ovaj problem je izražen i u općini Tešanj gdje je u odnosu na broj stanovnika 48480, prema posljednjem popisu stanovništva iz 1991. godine, mogući broj 48 imajući u vidu kriterij za utvrđivanje ukupnog broja taksivozila. S obzirom da prije donošenja Odluke o organizaciji i načinu obavljanja taksiprijevoza putnika na području Zeničko-dobojskog kantona broj taksivozila u općini Tešanj nije bio

u skladu sa zakonom utvrđenim omjerom, prilikom donošenja navedene Odluke ostavljena je prelazna mogućnost da svi taksiprijevoznici koji su na dan stupanja na snagu iste zatečeni kao taksiprijevoznici zadrže to pravo. Iz tog razloga je sada na području općine Tešanj utvrđeni broj 96.

Na osnovu uslovnih odobrenja, shodno odredbama člana 10. Odluke o organizaciji i načinu obavljanja taksiprijevoza putnika na području Zeničko-dobojskog kantona, sačinjava se lista čekanja na raspored

za taksistajalište ukoliko nema slobodnih mjesta na taksistajalištima iz razloga propisanog u stavu 2. člana 9. ove Odluke i tek po ispunjavanju tog uslova pribavlja se dopunska taksioznaka i licenca. Uslovnim odobrenjem fizičko lice dobija svoj status na listi čekanja.

Fizičko lice ne postaje obveznik po bilo kom osnovu na osnovu dobijenog uslovnog odobrenja službe odnosno na osnovu odobrenja službe po kojem ne može otpočeti obavljanje djelatnosti taksiprijevoza. Ovaj stav usaglašen je sa Poreznom upravom - Kantonalni porezni ured Zenica.

S obzirom da je propisima iz oblasti cestovnog prijevoza kao jedan od uslova za izdavanje licence "D" predviđeno da prijevoznik posjeduje jedinstveni identifikacioni broj i da uredno izmiruje obaveze u pogledu plaćanja javnih prihoda, takođe sa Poreznom upravom - Kantonalni porezni ured Zenica riješen je problem zaduživanja po osnovu poreznih obaveza prije otpočinjanja sa radom.

MINISTAR

Edin Terzić

Dostavljeno:

1 x Stručna služba Vlade Zeničko-dobojskog kantona,

1 x Premijer Zeničko-dobojskog kantona,

1 x a/a.